

海

秋

詩

集

海秋詩集卷之二十三

益陽湯鵬海秋撰

七言律詩

海淀農行遇雨

雞唱聲聲曉月收馬蹄去去野烟浮風飄雨點攬花點  
春在山頭更水頭紅入杏園拍蛺蝶綠斜桑塢濕鴈鳩  
及時麥菜逢膏澤滿眼飢嗷活道周

送胡菊洲觀察

金章犀帶畫中行細雨春風出禁城好客李邕多意氣

控邊馬。援有聲名艱難時事。思禪補寥落人材。費品評。  
痛飲高歌。一揮手。盤龍江水識離情。

送楊杏農孝廉

棄繻。愴慨長安道。泣玉蒼黃。客子腸。古有文章半摧挫。  
君無羽翼。且韜藏。桃源雞犬千秋訣。芷水風波一片香。  
乘輿杳然。雲物外。楛花爲食。芋爲漿。

天涯聚散。同雲雁。人事悲懽。付草蟲。金馬玉堂非夢想。  
石田茅屋。在深叢。閑撐野艇。隨漁父。長飲山醪。作醉翁。  
可惜淹留。中禁客。不能飛去。五湖東。

雲母峯頭堆紫石，武陵洞口種名田。  
勸君莫便成長往，避世何能恰少年。  
暫卷衣冠歸甫里，終期姓字畫凌烟。  
山中談道供時用，小技雕蟲未足傳。

世上機緘還世上，山中朋好半山巾。  
侏儒有淚栖靈壽，

偃蹇多才弔楚宮。  
侏儒啣廖春泉，偃蹇左景喬。  
骨髓緘封三策稿，

風埃飄轉九秋蓬。  
幽居只用逍遙意，蒙邑先生白兔公。

唐陸宣公從祀孔廟迺吳棣梁京兆為侍御時之

請也補賦四詩以美其事

貞元往事總堪傷，翰苑遭逢涕幾行。  
根柢六經為詔告，

蹉跎一德愧君王，可憐別駕唐宰相。無那青蠅裴侍郎，今日孔楹書姓字。百篇奏議未滄桑。

蹭蹬戎行惟道履，艱難王室此肩擔。六師豈不罪盧杞，一語何曾殺竇參。豐樂寺中恩有渥，山南道上涕何堪。誰知磊落君臣契，猶有姦回譎怪談。

憶標內相崢嶸筆，那識中年漂泊愁。生死只憑陽諫議，往來重見李忠州。功名恨不貞觀復，杖履審從孔子游。兩廡蕊芬同享祀，九幽魂魄豈悲秋。

不談天性不模稜，賈誼文章陸九能。韓子及門良有以。

鄴侯推轂竟何曾。誰令洙泗千秋侍。君與端明兩疏稱。  
當代闡揚惟有道。小儒黽勉曷能勝。

和穆長白師登岱詩八疊元韻

東來紫氣使星臨。詆蕩看山謝傅心。地與燕遼成拱衛。  
天盤齊魯控喉襟。石泉飛雨褰衣度。玉闕凌風拄杖尋。  
磅礴雲根九百里。不知何處薜蘿深。

萬峯環拱自蟬聯。掩映雲巔與石巔。巖壑有無餘落日。  
陰陽闐闐在蒼煙。白龍過峽千尋瀑。青鹿眠松萬古天。  
料得袞衣來往地。山靈爭問太平年。

丈人峯畔一登臨。拔地捫天君子心。滄海一盃空眼界。  
黃河萬里入胸襟。羽臣煙客招搖便。玉几金牀次第尋。  
省識蓬萊老僊骨。虛無指點洞天深。

戛玉腰金藹近聯。扳蘿躡磴此山巔。無窮紫柰兼紅杏。  
不盡丹霞與白煙。笙笛琤琮來紺宇。芙蓉縹緲削青天。  
茲遊冠絕平生興。瑤草琪花與駐年。

亭亭繹繹蹕經臨。七十二家荒草心。金石函中書祕語。  
蘭蒲席上款神襟。不如林放真堪晒。卽問秦皇豈再尋。  
今代君臣薄封禪。蒼生霖雨萬年深。

攬勝探奇快騎聯。褐衣翠羽滿層巔。秋深石蟹噓溪水。  
日落珠狗振野煙。芍藥成圍千樹錦。櫻桃如雨四時天。  
養生盡乞安期棗。纂纂花開幾歲年。

乾坤勝概在登臨。歷井捫參一片心。東嶮神圖黃玉牒。  
西池仙使翠霞襟。茂陵著作吾焉敢。梁甫悲歌事莫尋。  
貪與鉏翁談八毒。白光橫指岱雲深。

山壓天中少屬聯。振衣飛上萬尋巔。八分小篆摩孤石。  
一綫丹梯躡紫烟。白練黃鸝啼向我。胡麻巨勝熟由天。  
明公五嶽能游徧。無限靈芝葆少年。



安得飄飄物外臨。天孫導引識余心。桃花峪邃紅侵屐。  
莎草泉幽綠滿襟。秦帝荒碑經雨蝕。漢壇遺牒撥雲尋。  
古今不變惟林壑。萬木參天歲月深。

五嶽崢嶸一脈聯。常龍來往此巖巔。白蒸靈洞三宮雨。  
青落齊州九點煙。松檜老蒼知遠代。藤蘿昏黑近諸天。  
餐霞吸玉平生志。報與茅君乞大年。

葛巾藤帶擬登臨。白鹿青猿解我心。九節菖蒲能益壽。  
千年蟻蠹好題襟。心繁丹竈無人識。手掘黃精竟日尋。  
五十餘盤天地大。秋風不遣四愁深。

域內名山動接聯。側身東望岱雲巔。五松蔭蔚餘清露。  
三島蒼茫極遠煙。欲向松喬換凡骨。卽騎鸞鶴上青天。  
此心未伴先生杖。遲日東游定幾年。

九州一覘莽。登臨碣石徂徠。寄我心下界。白雲霑老杖。  
上清真氣接靈襟。二童窈窕從天降。三隱茅茨費獨尋。  
谷飲巖栖元有術。安排石盃不知深。

岡重嶺疊雁行聯。月觀雲窩百尺巔。山雜古今千點石。  
海浮天地一痕煙。平生不斷崢嶸想。此境真爲縹緲天。  
舊說徂徠王處士。洗心讀易可長年。

重憶天門棨戟臨司空無限翠微心九霄掩映宣麻筆  
萬壑周旋選勝襟赤鳳蒼麟爭欲出扶桑若木似能尋  
如今誰是丹青手五嶽蒼然點畫深

驅車蹋鼓限官聯憾未凌雲東嶽巔曉聽雞鳴先見日  
晷聞虎嘯不知煙紫苔赤箭長生藥阿閻神房自在天  
總爲塵埃累真骨擬棲巖嶂是何年

凝歸去來集杜百六十篇既成自題其後

無窮杜甫驚人句併入陶潛避俗心東海乘桴游汗漫  
南山扶杖出驅噉不知身世復何事大笑塵埃非我襟

懶與雞蟲評得失。放教魚鳥遂飛沈。

羈。栖。愁。裏。逢。迎。拙。百。六。十。篇。歸。去。來。吾。道。可。爭。惟。出。處。  
草。堂。長。在。總。裘。裏。雲。泉。供。養。何。曾。老。釣。弋。交。游。不。用。媒。  
與。把。村。醪。競。來。往。那。知。人。事。有。悲。哀。

不。作。湖。湘。浩。蕩。行。其。如。幽。薊。滯。留。情。艱。難。時。事。眩。三。折。  
慘。澹。才。名。鬢。再。更。祇。恐。秋。風。老。顏。駟。非。關。天。意。薄。匡。衡。  
欲。歸。不。忍。還。淒。決。此。意。無。人。與。說。明。

千。首。萬。首。悲。當。哭。十。年。五。年。浮。與。沈。盤。鵬。欲。作。鸞。騰。狀。  
談。虎。徒。增。恐。懼。心。天。地。元。機。在。江。海。聖。賢。本。性。亦。山。林。

飄然自號逍遙子。日暮休爲梁父吟。

乾坤何處堪行樂。猿鶴相逢莫浪猜。肯學九歌怨風雨。  
好韜三策在蒿萊。山中種樹能調性。野外論詩不費才。  
說與衣冠青瑣客。共尋鄉國白鷗來。

懷嶽懷湘和夢到此山。此水爲誰青杖橫。紅鯉充租賦。  
斧斲黃精養性靈。擺落四愁能浩浩。護持雙鬢莫星星。  
濟時未必由吾輩。守拙端宜一草亭。

本舍物外飄飄意。豈假人間怏怏歌。一壑一邱終老矣。  
吾師吾友謂如何。才慙管葛名空大。道契湯沮心匪他。

故土可能饒稼穡百年聊得慰蹉跎

年年歲歲添詩藁雨雨風風滯玉除長笑島郊宜贈證  
卽扳伊呂亦齟齬山中童叟風猶古江上雲霞錦不如  
肯以浮名違褊性早韜經濟狎樵漁

收拾輪蹄休役役評量圭組總區區朱門戚里生荆杞  
穠李天桃委路衢我乃淮王舊鷄犬今思范蠡好江湖  
得隨僊隱無閑事自有山川養腐儒

可憐偃仰臯夔地枉自矜誇周宋鐔秋雨娟娟蘇病骨  
春風浩浩寄愁心官因貧賤遲歸計詩在乾坤獨好音

今日重呼杜陵叟。狂歌俱變白頭陰。

卽事

西塞蒼茫路幾千。玉門關外草連天。吹風沛雨皆疆土。  
轉粟輸金有歲年。已見伏波除隴吏。載聞充國按羌田。  
腐儒卻欲論中外。可減營兵但實邊。

卽事

瓦缶雷鳴果有諸。巫咸縹緲一悲呼。讀書談道文中子。  
攬蕙懷荃楚大夫。我卜黃花饒晚節。人方蕙苒謗明珠。  
青冥飛轍難依倚。欲訪鴟夷去五湖。

反曹儷笙師歎老詩用元韻

四海相知六一翁。斯文元氣滿胸中。  
汾陽威譽爲時重。潞國精神本內充。  
大斗可能斟玉露。小儒長願坐春風。  
少年未似皤皤叟。兩頰桃花一片紅。

大哉松柏不榮枯。千歲青青百歲腴。  
只見羽毛三洗伐。了無風雨一驚呼。  
整冠端笏恭何懈。杖鉞褰帷健自扶。  
若問平生頤養術。不過食糲與衣麤。

身畫麒麟萬丈餘。聰明長足氣長舒。  
人間寒暑只經眼。天上雲霞爲振裾。  
金祀玉階勤聽漏。晉鐘衛鼎不勝書。



卽今諸老龍鍾甚那似熊羆載後車

文章彪炳亦吾師燕許聲名枚馬辭五色

絲綸天可補百年著述老彌遲新機活潑由深造舊事  
參差每再思爲報春風更留意護持雙鬢似童時

廣曹儻笙師耐老詩用元韻

天高地厚足婆娑紫綬飄飄歲月過上相才猷挾玉陛  
老人星斗傍銀河夔龍杖履皆元氣黃綺山林豈異科  
八十老翁眠食健直應百歲謝蹉跎

拋將利鈍與恩讐一杖逍遙款款游可當靈芝半畦菜

自成方丈數間樓。兒孫羅拜渾閑事。弟子酣寔忘白頭。  
老矣能橫五色筆。乾坤萬象極雕摻。

暮暮朝朝金馬廬。琢磨道德富居諸。眼看天下無窮事。  
口誦人間未見書。陶寫性靈秋水在。結交蒼老白雲餘。  
道旁跪問長生訣。豈屑瓊膏與玉蔬。

雲中白鹿駕迢迢。誰與王喬學後彫。滿把鳳腴爲大藥。  
來扶鮐背立昌朝。三千丈髮風霜健。五百年材雨露饒。  
今代所需一樑棟。龍鍾端要幾緇髭。

由禮曹調戶曹紀

恩詠懷七首

十年歲月飄然去。萬首詩篇在。自哀歷亂鬢毛慙。列宿  
差池經濟坐。容臺欲飛那辨雲。霄路不死終爲杞梓材。  
甲申乙酉丙戌且整冠巾一翹首。忽聞

綸綍自天來。

棗筆樞廷恩浩蕩。移官金部珮瓏璵。書生遭際空流輩。  
天子從容問上公。萬里長塗來驥驟。百年好夢笑熊羆。  
宦情元似飄飄葉。不向西飛便向東。

非關禮樂攻吾短。無那鷓鴣得路難。後進青雲先進寒。

禮曹十年不放一序道八年不轉一南司苦霧北司寒。  
御史故老者滯於前而壯者困於後

禮曹有南北司涕流賈誼材何用秋逼馮唐老可歎報與舊寮

爭變化最高枝上健秋翰

俛仰乾坤自曝腮蕭條伊呂幾興哀詩名未足匡天下  
野性何知傍斗魁今日轉移皆異數故交驚喜愧非才

陶雲汀丈  
以書來賀

皇恩無限涓埃薄慷慨爲霖潤八垓

辨物陳圖不厭詳右曹左戶好經邦國家儲蓄十年重  
吳楚瘡痍萬里長時事艱難須赤手

天恩稠疊愧中腸思量管晏談功利濟世偏才亦淼茫

可。笑。平。生。才。短。短。與。談。用。世。與。酣。酣。銜。鱸。消。息。來。書。幌。  
捫。蝨。縱。橫。指。劍。鐔。宛。轉。調。官。非。鹵。莽。參。差。作。事。總。愚。慙。  
夔。龍。未。必。非。吾。輩。不。盡。凌。烟。愧。盍。簪。

夢。想。良。圖。一。浩。歌。島。郊。骨。相。豈。蹉。跎。雲。龍。風。虎。吾。知。矣。  
圓。璧。方。珪。事。若。何。道。濟。固。爲。天。下。雨。數。奇。終。返。故。山。阿。  
百。年。出。處。吾。應。定。肯。泥。貂。蟬。廢。薜。蘿。

奉贈耆介春尙書三首

紫。綬。金。章。趨。曉。漏。翠。翎。玉。管。立。明。光。壯。年。車。服。無。儔。匹。  
盛。世。君。臣。此。拜。颺。日。對。罍。恩。心。似。水。手。持。綱。紀。鬢。微。霜。

東南時事吾能說。國有謀猷勗杜房。

春官台斗照皇衢。秩序寅清夙夜俱。五禮故推大宗伯。  
百官都問執金吾。公才跌宕兼文武。我術迂疎半吏儒。  
手版朝朝青眼在。秋風端不泣楊朱。

湖湘年少氣佳哉。浩蕩風雲薊北來。筆禿鼠鬚磨蠖蠹。  
劍橫虎氣走駑駘。我藏青白阮生眼。誰識天人董子才。  
只有明公勞下問。濟時心事兩裴裛。

送卞竹辰太守

我愛鳳陽賢太守。人中鷹隼刷黃雲。豪彊莫入延年郡。

父老來聽司馬文秋水爲神疑事少書生作宦雅歌聞  
舊從蓬島霜臺轉江左風流自不羣

通籍金闈逾十載與君劍氣各干尋虎頭

有扣者戲以  
余爲虎頭故

云  
人作吞聲別鶴髮翁爲刻燭吟

曹新安師送太守詩  
老翁入十猶強健送

別詩能  
刻燭吟黃閣愛才無爾我青雲側翅有升沉只愁霖雨

非吾分未答涓埃愧汗深

天涯難得是同年揮塵譚心意氣回箇箇文章爭似我  
家家杯酒不論錢江干紫馬將行矣座上元龍只惘然  
今日朝廷重循吏白鳥神爵爲誰副

贈平樾峯明府三首

怪君薄宦走風塵。文采翩翩邁等倫。政事割雞馴一邑。  
詞章倚馬辟千人。時流闕冗誰元氣。吾輩遭逢有宿因。  
今日不爲河朔飲。芳罇辜負好雷陳。

東南侯伯皆吾友。民物蕭騷費吏才。草木悲風哀鴈叫。  
江河平地毒龍開。

皇心愷悌千人見。臣職經營兩鬢催。君是故交青眼客。  
匡時意氣好追陪。

今日官聲誰磊落。江南明府最材賢。恩趨



帝闕親承綽官寄吳門猛著鞭世上萍蓬有離別才人  
杯酒本纏綿天涯一段相思意總爲飄飄吏若僊

挽許萊山師十五首

獨立蒼茫無限事可憐賢喆幾人存戚容臺顧南雅陳午橋郭蘭石先師

而文章浩蕩千秋淚風雨迷離一片魂欲向元亭問奇

字誰知北海掩荒門回思杖履纏綿意盡是今朝涕泗

痕

天遣鴻文廣國華濃熏班馬歷羣家淋漓百賦吞雲海

組織千詩奪晚霞木壞山頽遂如此今來古往竟何涯

玉堂舊有遺編在留與人間號八義

一領狐裘一舊冠年年歲歲點朝班了無恩怨真問道  
不管升沉是醉顏生已蹉跎黃閣選死尤悽惻北邙山  
荒江老屋魂來往月自橫斜水自潺

蓬島翱翔二十春移官卿月命重申刑章輕重由廷尉

禮意精麤問祿臣

師由翰林學士轉大理寺少卿擢光祿寺卿

不死倘能同

檜柏此生端合畫麒麟乾坤近事需禪補憂樂關心有  
幾人

側聞頴叔調羹膳誰遣王哀廢夢我讀禮蒼黃辭魏

望雲悲悼指江沱。山川歷歷安眠少。鬢髮蕭蕭老淚多。  
疾疢微茫無藥石。卽逢扁鵲欲云何。

奕奕詩書堆宿莽。拳拳孝友隕芳標。韋經只望雙雛秀。  
姜被何來尺布謠。憾事向人徒鬱邑。老身力疾颯飄搖。  
藥牀茶竈依蘭若。佛不能靈命已凋。師借禪寺除煩養  
痾不十日遂卒

苦憶槎橫楚水隈。沅湘香草爲公裁。器登廊廟皆珪瑯。  
筆破洪濛挾雨雷。今日愛才誰婉轉。仁人無命我悲哀。  
習池颯沓風流盡。明月何能照舊杯。

浮邱小子虞翻骨。京國愁陰趙壹歌。劍氣騰騰慙馘讎。

春風習習許婆娑，鸞吟鳳嘯元音叶。玉質金相紫綬過，  
學道百年今欲半。不如師處涕滂沱。

風火惜騰悲往日，室廬焦禿仗何人。絳紗幔外分魚菜，

深柳堂前整幅巾。

己丑回祿之變師借宅安置，賜恤甚厚。

燕子有情還識

我棠梨無主，不能春。摳衣莫過黃墟下，九曲腸鳴似轉

輪。

問訊驚呼涕淚奔，江南夫子

曹新安師哭師甚慟。

哭傾盆，白圭無

玷埋荒草，青史難傳少。特恩徒祝瓣香存，俎豆且歌薤

露動乾坤，湖湘不少彈冠士。私謚終當奏九閭。

三品例不得郵。

典門人務  
私謚文愨

回思憂玉署金地大好翀霄挾月行文采共推蘇學士  
書林無過褚先生人間春景真如夢海上秋風太不情  
可憾瀛洲一枝筆無端摧折七閩城

鵬鳥無情憾未央冰壺玉鑑隕秋光雲霄得路輪雕鷲  
囊橐無錢典驢驢十口飄零浮遠海百年騷殺剩殘陽  
遺孤莫向西風泣報答師恩有稻梁

妙光閣裏奠音容

鵬率湖南之士設位  
于妙光閣而哭之

酒白蒸黃血淚

紅安得三年伴廬墓聊將一哭撼蒼穹萍蓬身世誰能

定文字因緣總是空鐘鼎有神交有道招魂何處問秋風

河東有賦費吹噓義似雲天氣似珠說項足張才子筆  
鑄顏甯落小人儒夢雖可覲終嫌幻淚不能多已自枯  
疇昔浪傳師友盛存亡慣見只悲呼

一紙書從海上傳雨淋日炙淚痕連豈知絕筆猶懷友

師卒于八月十三日鵬得七月二十三日手札距師卒只二十日耳未到衰年便化僊楊

震蕭然不成市侯芭已矣更談元却思造物蒼茫意重

結來生弟子緣

除夕呈曹新安師

今夕從容思杖履我公蒼健敵松筠口脂面藥

皇恩大柏酒椒花歲事新四海白鬚誰是長百年元氣  
自爲春明朝門下三千士來拜皤皤八十身

暖隨梅柳上輕梢寒飲屠蘇醉此宵檢點年光詩兩首

師于除夕琢磨人事客三朝乾坤氣象歸調鼎房杜聲

名冠珥貂正喜祥雲盈尺丈太平有兆付衢謠

京華歲月飄飄過文字因緣浩蕩圓宮禁經綸參白筆  
春風桃李富青年自慙奔走才何補欲賣癡獸事可憐

一笑麒麟非我相。封侯消息好茫然。

腐儒元是楚人家。餞歲今宵舊俗譁。溪老傳盃傾綠蟻。  
山童轟爆上紅霞。思親輾轉逢年序。作客蒼茫感鬢華。  
倚賴平生一青眼。不知栖泊在天涯。

坐消殘臘愁懷剩。疊捧奇珍喜氣臨。橘實茶香元澹泊。  
魚羹鹿脯亦淋漓。無才浪被仁人賜。有句勤搜歲暮心。  
今夜祭詩收創藁。

七律百韻爲公集題詞也公喜以爲創藁

爲公忼慨爲公

深

### 贈李梅生童子



海上言集卷之二  
三  
天上麒麟自不羣。湘西童子已能文。性靈浩蕩含秋水。  
體格嵯峨逼嶽雲。今日誰當扶八代。後生端要掃千軍。  
揮毫儻和高軒過。長吉才名處處聞。

萬里風烟來日下。一家藻翰奪天工。清談隔幔名家母。

吉夢生珠太史公

石梧編修與其夫人笙愉咸工險詠顏其居曰梧笙館梓其集曰梧笙館

唱和集梅生詩筆本于庭訓抑其天才固過人耶我有兒童謂阿操紙筆也將  
詩句倚梧桐。後賢若比前賢秀。青眼高歌意不窮。

班揚賦料尋常有。屈宋騷材取次攀。五色珠璣爲咳唾。  
九秋蘅杜此嫺嫺。願君慘澹文章事。與我縱橫天地間。

力挽狂瀾存健筆，老夫猶未鬢毛斑。

詠懷五首

茗茗星使上雲霄，金絡銀鞍駿馬驕。  
蓬島鴻裁橫綺繡，梧岡鳳羽好扶搖。

九重品藻恩何限，四海才名鬢獨凋。  
太息草元揚執戟，閉門秋色雨蕭蕭。

樞府恩波須報答，儒官性癖只文章。  
五千道德爲衡鑒，八百孤寒盡棟梁。  
北斗似應歸綵筆，南豐誰與祝心香。  
眼中玉筍班班立，知是誰家弟子行。

天子求材從草澤。諸君著意在新傳。山中杞梓千尋直。  
海底珊瑚一色圓。自分窮途隨阮籍。故應使節讓張騫。  
持衡未是才人事。辜負平生十萬篇。

茫茫行路我何求。獼虎雕龍只益愁。賈誼是非無月日。  
陶潛醉醒自風流。十年閭淡文章老。一葉飄零天地秋。  
可是前身真屈宋。楚騷嗚咽不能休。

衰衣博帶倚京華。蘇海韓潮枉自誇。吾道非與能倣命。  
秋風至矣苦思家。山中菊圃移蘭圃。江上魚叉接蟹叉。  
幸謝朱輪來往客。沅湘萬里一歸槎。

徐熙葬太常自河上召歸旋以病乞閑居

繡衣東去幾裴裒竹箭桃花滾滾來河濱順流

天子福圖經搜討使臣才力捐鯨齒閭閻靜心繞

龍麟閭闔開自是漢廷思賈誼道旁絳灌不成猜

高冠長劔逼嵯峨骨鯁聲名四海多天上夔龍其標榜

人間郊島易蹉跎百年得力因聞道五月閒居爲遺痾

料理葛洪丹竈術秋風無計奈君何

甲午十月四日丙子羅宜人歿詩以當哭十首

鄉里情親十七年寶釵明鏡照嬋娟芙蓉帶露根還瘦

瓊玖經霜佩不圓。三日呻吟增我慟。一生蹭蹬被人憐。  
不知恨事何由雪。薄命怱怱落九泉。

生就蘭馨與桂馨。淡粧雅服伴燈檠。能談禍福關聰慧。  
不露悲懽肖老成。女子有才宜傲命。男兒無偶最傷情。  
失聲一哭雲如墨。長夜悠悠不復明。

白駒過隙汝何堪。寥落春秋三十三。自古有生皆有死。  
與余同苦未同甘。西風九月屋廬破。暮雨三更刀剪含。  
不肯爲官拋婦職。嬾施石黛插瑤簪。

自理杯棹自煮茶。儒官澹泊似山家。衣裳不著三端黻。

窗。檻。甯。施。五。色。紗。生。笑。夫。君。栽。橘。樹。死。憂。兒。女。衣。蘆。花。  
夫。亡。智。婦。非。吾。福。一。夜。霜。吹。兩。鬢。華。  
悽。惻。當。年。婦。病。行。秋。風。瘦。骨。苦。支。撐。人。間。蟋。蟀。渾。無。賴。  
天。上。鴛。鴦。慘。不。情。簇。簇。寒。花。舉。總。帳。亭。亭。孤。月。閣。瑤。箏。  
早。知。一。死。幽。明。隔。爭。遣。絲。蘿。不。合。并。  
斷。縑。殘。粉。委。塵。埃。一。夕。思。君。一。萬。回。生。已。淒。淒。無。論。死。  
歡。何。短。短。卽。成。哀。霧。搏。魑。魅。當。門。立。露。泣。蜘蛛。墜。網。來。  
自。料。久。非。黃。髮。婦。江。河。東。逝。日。西。墮。

回思窈窕詠河洲百念千嬌拜女牛白紵雙絲無曲直

紅魚比目自沈浮。卿歸地下誰能料。我在人間不自由。  
琴瑟已枯肝肺痛。百年哀樂幾時休。

小閣垂簾深復深。花茫月黑罷彈琴。秦嘉鏡裏捐孤影。  
潘岳帷前塞苦吟。昨日那知今日事。生人重問死人心。  
遺言未了吾應了。一片微茫不可尋。

心如膏火亟熬煎。強自支吾轉惻然。白髮倚門吾敢死。  
青春墮地汝堪憐。櫻桃樹小花都盡。翡翠簾空月不圓。  
未了男婚兼女嫁。九重泉路得安眠。

雲黑天黃燭不花。愁心如淚橫斜。若爲荀粲卿甯取。

竊比曾參我定差錦瑟有聲敲夢寐稠桑無術鎮咨嗟  
不堪思想不堪說落日荒荒哭瑞華宜人

十月二十七日浮厝瑞華于長椿寺

朱幡素幙舞蹠躔寺內霜寒寺外煙生誦蓮華垂萬遍

死依蘭若定三年

瑞華彌留問歸葬之期以三年爲率

傷心京國人猶滯

葬骨湖湘事未便暫假兩椽棲汝魄不勝愀愴涕橫川

十一月十一日攜子俶昭健昭女蘭昭蕙昭蘅昭

菁昭哭瑞華於長椿寺

古寺松楸老更青紙錢飛颺夕陽明深疑蟬鬢荒涼後



尚識烏雛哭訴聲如此紅顏如此死可憐黃口可憐生

異時英物成時棟瑞華垂死暮健昭不休恨煞萱花不再榮

夜臺一去閉嬋娟寶曆羅裘碎不圓四德娉媵翻折命

百年悼悵是摧絃竟歌雉操難終老欲卜鸞膠只問天

咄咄阿蘭談孝已蘭昭聰慧過於諸女哭聲嗚咽路旁憐

再哭瑞華四首

斷絃無處不神傷小院空堦夜夜霜參朮荒唐存藥券

綺羅顛倒滿巾箱生前瘦骨撐朝露死後餘情寄夕陽

一片淒涼無可說北風吹墮淚千行

南國佳人太性靈。世間閑事苦經營。魚蝦曉試羹湯手。

雨雪昏聞砧杵聲。智足料人悲鶴唳。一客過余言視甚高瑞華從屏後窺

之日必及於勤能佐我戒。鷄鳴傷心已許詩。千首垂死

難果如其言勤能佐我戒。鷄鳴傷心已許詩。千首垂死

當以千詩為報。未了安仁伉儷情。

雄飛雌從雉呼羣。沐憤哀歌那可聞。蛺蝶已拋桃葉扇。

鴛鴦空占藕絲柔。愁中見月難為月。夢裏逢君不當君。

自古悼亡爭一哭。返魂無術只紛紛。

雙魚何路到窮泉。生死踟躕淚泣然。欲放形骸愁已縛。

無多心腎恨都填。願君世世為夫婦。此事茫茫委地天。

泃和言身 卷二十三  
妬殺千秋河漢水。女牛一別一回圓。

再哭瑞華四首

霜吹窗檻雪。吹屏萬種千般憾。未停病後傷心無涕淚。  
夢中好語太丁甯。左思嬌女尋雙杼。杜甫佳兒守六經。  
說與汝曹須猛省。忍將癡鈍答幽冥。

憶昔山居架古藤。釵荆褰布對秋燈。每懷父母愁難訴。  
善事姑嫜喚便膺。惻惻心情深淺際。疎疎鬢髮兩三層。  
柔嘉只是生前態。今日模糊畫未能。

天教婉嫵少千齡。瘦不禁秋倚暮庭。猶輾轉時心半槁。

最纏綿處涕雙零。家人巧語懲鸚鵡。一僕婦善掉弄是非。瑞華曰：我死若

必去湘水分飛恨。鵲鴿錫侯丙弟甫歸意外忽來鳴咽事。寒飈

颯颯動簾屏。

鬱鬱雙槐門巷中。藥爐經卷自西東。奉帷髮鬢琴心疊。剪韭淒涼酒盞空。秋月可憐一向白。春花從此不能紅。世間恨事無如我。簪珥飄零與晚風。

再哭瑞華四首

荒荒生死人間夢。薄薄夫妻水上漚。一病支離呼扁鵲。千聲嗚咽對黔婁。秋風不肯憐黃葉。溝水何能挽斷流。

十七年中無限事，新愁舊憾，迸心頭。

天寒獨擁鸛鷓裘，坐嘆行吟，不自由。艷艷梅窗花似幄，  
飄飄桂帳，月如鉤。明知死去成黃土，尙想生還，共白頭。  
再訪臨邛緣底事，海山縹緲，使人愁。

夢魂非幻亦非真，長夜踟躕，總爲君。鏡挂雙眉猶似畫，  
簾荒一桁，不成雲室。家有憾，何時了。涕淚無聲，只自聞。  
怪汝瓊瓏小兒女，裁悲減痛，勸殷勤。

哀蟬一曲歲將闌，太息千端，與萬端。粉黛漂零餘髮鬢，  
米鹽凌雜，轉艱難。酒因墮淚荒荒醉，雪爲傷心，故故寒。

憾殺飛來雙乳鵲不知人事有悲歎

移居憶瑞華

一閭兩間樓突兀三點五點石橫斜寺外雪吹門外雪  
橋頭花壓井頭花我歌我哭心如梗卿死卿生命似紗  
無那獨眠還獨坐只應長憾更長嗟

除夕哭瑞華

昔事昔人徒髣髴今情今夕總纏綿男啼女哭知何奈  
栢酒椒盤隨所便爐火青添光燄燄蠟花紅墮淚涓涓  
傷心莫問簾梅發春到人間只可憐

歲暮窮陰太苦辛。九迴腸裏似車輪。卽澆半甕屠蘇酒。  
難醉重泉窈窕人。笑口強開都是哭。幻緣未斷儻成真。  
年光準與愁心約。一換桃符淚一新。

過故居弔瑞華四首

迴鞭立馬憾何窮。門掩春花寂寞中。苔蘚有情霑暮雨。  
蔦蘿無語倚東風。未知地下重相見。其奈人間不可同。  
生死總憐辛苦婦。杳無消息問飛蓬。

柔情瘦骨兩禁當。往事尋思只斷腸。一桁頽雲梳鬢髮。  
半窻殘月擣衣裳。墻根不產延年草。厨下誰斟續命湯。

拋却百年無限淚。天心何苦忌糟糠。

一樹棠梨故故開。紅顏漂泊付塵埃。風喧小院鶯無賴。  
月冷空階蛩不來。人事縹緲今日矣。天涯零落我悲哉。  
舉帷弔影今成隻。一夜愁腸一萬迴。

雙宿雙飛黃鳥翩。春風爭得不纏綿。餘香在壁猜紅粉。  
敗瓦成叢拾翠鈿。楊柳深深如此碧。櫻桃短短爲誰妍。  
飛花只攬險詩客。重坐浮邱意惘然。

千詩債

併序

瑞華彌留時許。哭以千詩。乃先後拉雜成章。僅



海秋詩集

卷三十二

五

得古近體一百首。夫哀悼之旨不在誇多競奇。一以當十。十以當百。百以當千。瑞華其不短我也。自今已往。或棖觸復爲之。然固不能千詩矣。死者長已矣。卽千詩又何補。悽然淚下。因誌以

詩

西風老淚不勝橫。紅粉佳人地下行。義比曾參卿沮我。才輸李白我慙卿。百篇已了千詩債。一死徒增萬古情。却道唵哦竟無益。九幽長逝歲崢嶸。

海秋詩集卷之二十四

益陽湯鵬海秋撰

七言律詩

輓曹新安師十首

八十鬚眉矍鑠翁，乾坤正氣佐龐洪。  
房謀枉斷經綸手，孔思周情砥柱中。  
百爾儀型喪元老，

九重涕淚墮東風。  
哀榮備至

恩綸沛，魂魄娑娑拜。

帝宮

樞密從容十五秋。王章爛熟備咨諏。霜髯雪鬢不知老。  
風虎雲龍無與儔。三世衣冠星北拱。百年事業水東流。  
無由乞得延齡藥。摧折台星海內愁。

雲黑天黃柱石傾。萬人嗚咽一聲聲。潞公忽闕蒼英會。  
蜀相空垂宇宙名。閣上麒麟猶識畫。祭中楊柳總含情。  
淒涼衮繡三朝客。大暮難晨涕泗橫。

紫綬金章隨地有。元勳茂德幾人存。貴爲宰輔敦寒素。  
老把謨猷答

至尊長。擬江湖歸白髮。劇憐劍履閉黃昏。勞勞未有閑

居計死憶粉榆只斷魂

綠裘丹函甲乙開撐腸拄腹典墳該三千弟子擅才調  
八十老翁工品裁江漢秋陽今已矣瀛洲春景昔佳哉  
一枝老筆歸何處太息神僊著作才

皤皤黃髮領朝班犀帶貂冠紫玉環不伐功勳知道力  
只留詩卷在人間南城壁壘韓摧孟東魯衣冠孔鑄顏  
回首春風來往地千秋一別憾難刪

我本沉湘耕釣者腰金曳玉欲何爲十年鬱鬱傷幽獨  
萬首茫茫仗阿誰癸巳鵬得詩五百餘首師喜天土夔  
日更數十年不知幾萬首矣

龍心已槁。人間屈宋氣尤悲。急應鞞却河東賦。不向雲霄借一吹。

憶昨鱸堂踏雪行。淋漓歲暮倒杯罍。風吟月弄三生約。木壞山頽萬古情。吾道非與難卜命。老成逝矣最吞聲。惛惛十日關生死。函文遺言慘不明。

天高何處詆榮枯。葬鼎彫零有是乎。江北江南兩知己。

兼吳山陽汪協揆師我歌我哭一迂儒。功名位置巢林鳥。文字因緣過隙駒。酬唱未終人已歿。重緝創藥亦區區。

山斗蒼茫一浩嗟。黑幙黃閣日西斜。尋思舊事呼公問。

取拾新詩畏客諺。掉舌可憐蘇季子。傷心誰識賈長沙。  
天涯萬點酬知淚。灑到重泉路幾叉。

新婦詩 併序

瑞華彌留時附耳叮嚀。薦女弟瓊華爲繼配。感  
故婦之能賢。俾勞人之有室。不能無詩。

心似絲蘿態似霞。天生徐淑配秦嘉。東風律轉雄雌鳥。  
南國春調姊妹花。綿著同功文錦合。扇搖比翼玉釵斜。  
淡粧雅服薰香坐。姑射仙人降我家。

含丹吮素倚深堂。隊隊鴛鴦佩錦囊。六幅裙拖湘水綠。

兩行鬢抱綵雲長。晨描粉本飛蝴蝶。夜唱簫聲引鳳凰。  
江上浣紗誰似汝。良人執戟向明光。

佳人性格總慙慙。百念千嬌不可云。涕淚有痕傷伯姊。  
珮環無力拜夫君。衣因初製風偏軟。針欲停敲日未曛。  
手種中庭合歡樹。雙飛雙宿不離群。

東風吹雨上粧樓。花撲簾鉤與帶鉤。手折櫻桃私自笑。  
口吹芍藥不言愁。人間竝命惟鸞鳳。天上雙星是女牛。  
明鏡熒熒羞對影。一枝春在玉搔頭。

故婦纏綿薦左芬。一家粉翠締前因。篋箱舊裏離離見。

羅綺新裁翦。翦勻十指揀。茶簾外雨雙眉。描柳鏡中春。  
庭堦夜夜如珪月。報與嫦娥莫羨人。

與新婦瓊華同哭瑞華于長椿寺

萬緣陰濃古寺寒。靈幡指點梵輪間。柳迎珠勒雲痕合。  
苔印金蓮雨點刪。豈有蘆花累黃口。只因荆樹長紅顏。  
含羞含慟深深拜。口不能言淚已斑。

春闈校士既畢敘事詠懷四首

金章紫綬照青春。鎖院鴛鴦日未曛。九十光陰豔桃李。  
八千文字馭風雲。人間驥騄應無價。天上鸞凰自不羣。



報與湘東新進士

余得一湘士文藻雅贍長白師喜以爲翰苑才

蓬瀛几席許

舉芬

握槩懷鉛傍短檠十年前是曾諸生每思秋隼離塵日  
尙識春蠶食葉聲寸晷風簷心慘澹九天雲路翅縱橫  
聖朝取士由科目釣渭耕莘一例情

四海英髦攬轡借菁莪棫樸運佳哉黃鍾大呂逢逢發  
美玉明瑤袞袞來盛世文章有元氣腐儒銜鑑媿非才  
懇○勤○報○國○求○賢○志○不○放○劉○蕡○臥○草○萊

魚魚雅雅奏長楊二十三人弟子行

得士二人

一第聲名

等。毫。未。百。年。事。業。兆。匡。襄。鄧。林。大。木。堪。爲。棟。滄。海。遺。珠。  
或。有。光。翠。墨。圓。勻。重。點。勸。心。如。秋。水。筆。如。霜。

贈徐石林庶常

我。愛。武。林。才。子。筆。九。天。珠。玉。落。東。風。春。秋。四。十。崢。嶸。老。  
賓。客。三。千。睥。睨。空。天。以。魏。科。酬。俊。傑。人。持。長。劍。倚。崆。峒。  
鳳。凰。飛。上。梧。桐。樹。不。與。鷓。鴒。顧。盼。同。

衣。袂。飄。飄。不。可。埃。昂。霄。聳。壑。氣。佳。哉。汝。南。評。裏。知。名。最。

奇。瀟。生。前。輩。最。心。折。石。林。揚。子。亭。前。問。字。來。衛。道。汝。爲。瑚。璉。器。濟。時。

今。望。棟。梁。材。雕。龍。繡。虎。尋。常。事。早。晚。爲。霖。潤。九。垓。

過方稼軒故居

馬上東風涕泗滂。酒酣拔劍憶王郎。一官潦倒存儒素。  
萬卷飄零付夕陽。陋室苔痕悲劍履。元亭草色怨滄桑。  
不知黃鳥緣何事。飛遶闌干百轉長。

寄輓王琴查農部

青山紅樹武陵居。讀禮言旋涕泗俱。生說麒麟千俛仰。  
死窺魍魎一嘻吁。衣冠北拱魂來往。江海西流事有無。  
惆悵人間好男子。著書濟世兩區區。

一枝豔筆擅盧王。搵莽寒蘭君子香。詩似春風黃鳥嘯。

人如秋水白鷗翔。淒淒粉署霜。雙鬢磊磊樞廷字。萬行  
世事悲懽成一夢。了無繫戀向昏黃。  
霜深雪急北風哀。凍鳥啁啾惡耗來。我伏青蒲心已矣。  
汝歸黃土事悲哉。沅湘香草千秋淚。珠玉奇文十斛才。  
誰爲靈均補天問。乾坤不用九泉臺。

歲星南墮月瞢瞢。纒哭巴陵

方稼軒  
駕部

又武陵四海交游

今若此百年風雨淚難勝。魚書零落珍遺字。蟲壁淒清  
剩短燈。太息饑噉滿鄉國。孤兒寡婦訴誰膺。

送郭曉齋孝廉

飄然一劍指金華。細雨橫風正馬斜。赤驥有心悲老大。  
白圭無語辨疵瑕。百年枳棘棲鸞鳳。一例笙簧噪鼃蛙。  
且莫濁醪須痛飲。那知蕭颺各天涯。

送楊希臨孝廉

擔簦躡屨歎勞薪。篋有干將不厭貧。惻惻買生新涕淚。  
飄飄季子舊風塵。館前柏馬量材健。海內雲龍恨命屯。  
吾道是非何處問。天涯惆悵好雷陳。

喜何子貞慧裕亭胡貺生入翰林

十載金門獻賦人。心如葵藿筆如神。驂騑賜雨三三道。

鯨鱈橫風六六鱗。梯接紫霄仙。掌露衣披紅錦玉堂春。  
雕章緝藻等常事。他日夔龍屬此身。

尺五莊

闌風伏雨放新晴。曲澗平堤下馬行。搖水綠荷千萬柄。  
傍林黃鳥兩三聲。桃源雞犬非非夢。錦里烟霞故故情。  
出郭閑游一瀟灑。莫搔短髮問簪纓。

數椽臨水自西東。紅遶芙蓉碧遶桐。貪引涼飈千箇竹。  
避呼熱客五花驄。乾坤好事是非外。詩酒生涯醒醉中。  
安得竟拋塵鞅去。沅湘萬里一漁翁。

重游尺五莊

雨過林隈又澗隈，萬行蘆葦一亭臺。  
白雲爲我離離下，黃鳥呼人故故來。  
五嶽烟霞難結宅，百年塊壘且銜杯。  
褰衣出郭消塵事，醉脫官袍坐綠苔。

溪橫橋轉薜蘿深，拍手相呼緩緩尋。  
楊柳欲秋疑有淚，芙蓉在水本無心。  
杯中跌宕澆愁酒，物外周旋選勝襟。  
忽憶湖南新艇子，黃花翠竹滿江潯。

悄陰

旦日銀釵夜夜琴，柳梢樓角數延襟。  
來從蛺蝶黃鸝舞

去若蓬萊方丈深。煉石儻成千歲藥。望雲疑對一枝簪。  
天寒日暮愁如水。簾戶無人自悄吟。

### 黑頭公

紗籠護像五雲紅。補袞拳拳

帝夢通三輔。久推黃閣老九州。今數黑頭公。舉夔側席  
親颺拜房杜。宣猷總樸忠。今日蒼生望霖雨。鴻蒼無限  
託幘幘

金鉉銀青照上台。百年遭際起風雷。匡君已畫麒麟閣  
說士還憐樸傲材。藝客迂疏徒折檻。鼎臣精白好調梅。



燕山易水揚旌旆童叟歡呼夾道來

詠懷四十首

白帝商飈戶牖涼秋心秋物兩蒼茫  
蜩螗著樹淒淒綠鴻雁呼雲莽莽黃  
曲沼芙蓉千點露小樓楊柳萬枝霜  
眼看棄婦悲團扇零落西風淚數行

怡悵明光起草才夜看箕尾卜鹽梅  
文章十色絲綸簿意氣千尋杞梓材  
燕許有名聊復爾  
崑崙無命亦悲哉  
鼠鬚筆秃貂裘敝  
浙浙秋風爲我來

惜騰驄馬重行行伏豹盤鵬浪得名  
天上風霜吹汲黯

人間鐘鼎薄匡衡。身如翡翠方焚羽。心喜滄浪好濯纓。  
安得五湖尋范蠡。菰烟蘆雨不勝情。

滿目秋風兩鬢斑。酒杯潦倒劍光寒。支離未遂思歸引。  
詰屈應歌行路難。蝙蝠有知雙翼伏。鷓鴣無語一枝安。  
朱絲絃在鍾期死。流水高山不可彈。

縹緲巫咸呼不起。淒涼伯樂去何之。孤光黯淡愁懷壁。  
古語迷離晒夢尸。九萬風雲淹羽翼。五千道德謝磷淄。  
誰能更借君平卜。擡首蒼茫我自知。

斷送千緣與萬緣。烏頭馬角事茫然。蛾眉有憾供謠詠。

駿骨無媒失翥鸞老子雌雄真了了長卿貧病已年年  
探懷自愛河東賦誰擬吹噓上九天  
漫誇炙輠漫穿楊吐氣凌雲太慨慷雁爲傳書常繫足  
龜能料事却刳腸邯鄲枕上荒荒夢鸚鵡杯前兀兀狂  
雌伏雄飛今莫問閑梳短髮對斜陽

顛風急雨撼清秋愁去愁來賦白頭北塞老翁知倚伏  
東方大隱耐沈浮心如鴻鵠羞簷雀身似獼猴駕土牛  
猶有廣川三策在漢廷誰爲借前籌

黑幡黃閣憶夔龍骨相莊嚴俯萬峰千載遭逢闕社稷

九霄咳唾落笙鏞。薦賢豈爲私桃李。濟物何曾乘菲莠。  
誰料醉翁門下士。一場春夢涕龍鍾。

我懷古往起旁皇。虎尾春冰未可忘。衛武寤筵工勸戒。  
周宣雲漢辨災祥。危詞那得供韜鐸。腐骨終當效桂薑。  
太息區區芹曝意。倚簷夜半叩穹蒼。

金章紫綬玉花驄。意氣驕矜炯自雄。露點朱輪陪雉尾。  
霜封白簡達黿宮。羣公語默升沈事。造物聰明惻怛中。  
無限恩波須報答。扳龍附鳳莫匆匆。

昌辰元老健鬚眉。幃幄恩深劍佩隨。四海聲名垂鼎鼐。

八方事業掌綸絲。江都甫上天人策。疏廣難陳犬馬私。  
辟穀未應先報國。心如葵藿涕漣漪。

天非莽蕩地非遐。爾室神元信有耶。楊震四知存潔白。  
田差三過厭繁華。金盆豈了平生願。練樹徒開頃刻花。  
誰識寂寥張仲蔚。蓬蒿本性未疵瑕。

五侯門巷狹斜行。十二簾前火齊屏。玉饌金丸堆焯爍。  
腰犀袍鵲曼瓏玲。榮枯轉瞬禪中益。高下爭塗睫上螟。  
擬學伏飛吾過矣。蜀莊只可老沈冥。

豐頤巨額請班聯。眼底紛綸七葉蟬。簿領豈應忘禮樂。

官常誰與勵。冰淵床椽輾轉爲佳耳。屋棟崢嶸固有焉。  
月旦評中三大息。寸心炯炯寄纒綿。

似聞雷雨老龍號。蟹伏蝦僵慘不驕。豈謂松樟標節目。  
頓令薏苡雜風謠。功名末路瑕瑜見。血氣殘秋進退搖。  
世上機緘君欲問。桑乾東注水迢迢。

弄麀伏獵總堪傷。只有儒林挺豫樟。與把笙簧吹典籍。  
定垂帛帛著網常。上章雅欲聞張敞。讀傳誰當警霍光。  
魯衛有徒吾不忝。秋風蕭颯鬢毛蒼。

涇清渭濁理茫然。驀地鑽天態可憐。室列餅盂雜鐘鼎。

山生樗櫟混枘榘不勞杯酒澆肝肺自倚詩歌送歲年  
破帽敝裘多古意朱門何必聳儒肩

安得蒼生盡力耕山巾斗酒踏歌行鼠牙雀角感懲勸  
罌粟葵花少送迎獨使朝廷勤告戒旁求節鉞仗賢明  
千秋孔墨憂時淚正似悁悁杞國情

誰料區區豺虎愚窮邊慘淡雨風呼龍驤馬服才長短  
熊穴鼯篋事有無中禁故當儲頗牧清時未可唾孫吳  
引錐夜把陰符讀未許旁人號腐儒

哀哀鴻雁滿江潭民物淒涼抵掌談君子本能知稼穡

大夫何以富東南。賣刀買犢與情好。飯豆羹藜野味甘。  
二百年來需子產。歌聞誰嗣塞悲慙。

千秋鹽鐵富崔嵬。蔽海牢山亦壯哉。江左夷吾此經緯。  
漢廷賈誼與裴裒。綠章慷慨人間事。赤手蒼茫天下才。  
南極老翁眠食苦。功名何以畫麟臺。

策足誰登要路津。高牙大纛動乾坤。綺筵狎客千觴醉。  
繡幕名姝百和溫。未見羣情譽端木。故將儒術節公孫。  
子輿好辯非關傲。悲憫填膺與討論。

登車意氣報恩身。衮衮騫騰信有神。元白敢貪犀帶美。



三  
二  
一  
龔黃端稱虎符新我師阮籍長埋照客笑揚雄但逐貧  
實歎挪揄路旁鬼不知瀟灑葛天民

我本沅湘鷗鷺家朝朝暮暮傍蘆花釣竿斜挂珊瑚樹  
樵笠長隨磳礧車枳橘滿籬無雨打荃蘭彌谷有雲遮  
不知世事兼身事何似山涯與水涯

拋却林泉無限雲來爲天地可憐人折腰總乞陶潛米  
撲面誰遮庾亮塵石室烟霞羞曼玉桃源雞犬笑勞薪  
蚤知霖雨非吾分悔不長爲沮溺鄰

伏雨關風涕淚重論高心苦瘦秋蓬酬恩未上三千牘

記。夢。難。符。十。八。公。阮。籍。寥。寥。青。眼。客。馮。唐。颯。颯。白。頭。翁。  
會。須。斟酌。延。年。術。石。龍。丹。砂。訪。葛。洪。

百。年。涕。淚。九。迴。腸。學。佛。求。仙。總。藐。茫。海。闊。蓬。萊。惟。有。霧。  
林。荒。薈。請。不。聞。香。松。喬。那。種。千。齡。藥。支。許。空。懸。五。戒。章。  
韓。愈。倔。強。吾。亦。爾。短。燈。檠。裏。掃。牀。糠。

屈。悲。賈。憤。太。披。猖。沉。澧。無。情。枉。自。傷。天。造。才。名。試。盤。錯。  
我。應。道。力。鎮。風。霜。新。機。袞。袞。如。流。水。古。意。蒼。蒼。有。妙。香。  
脉。望。縱。枯。吾。健。在。衰。衣。博。帶。倚。軒。昂。

投。壺。散。帙。存。天。性。弄。月。吟。風。契。古。賢。肯。仗。子。公。通。筆。札。

方羞噲等懶。貧緣我行我。法刪餘事才。不才間了百年。  
長笑拾遺方。稷契五陵裘。馬獨翩翩。

天涯車笠莽。縱橫獨立蒼茫。一劍青李。廣功名。搔短鬢。  
孟嘗賓客散。浮萍手栽桃杏。成荆棘。眼見鷓鴣笑。脊鴿  
癡絕少陵思。管鮑翻雲覆雨。滌飄零。

雷陳膠漆半。消磨牛李參商。莫效佗同盛。同衰。心已矣。  
善終善始。理如何。療狂須識。鑿篋引排悶。休爲忼慨歌。  
自笑手稜朱伯厚。頰車老馬太蹉跎。

南箕北斗送窮愁。吾道非與等刻舟。填海艱難惜精衛。

渡河縹緲問牽牛。清樽美酒娟娟月。瘦蝶寒蛩瑟瑟秋。  
同學飛騰將萬里。五花毛骨是驪駒。

短車破帽滂滂沱。傀儡場中悄悄過。九轉螭頭徒智耳。  
尾捐蜂蠶奈橫何。性無秦越惟箴箴。我事有滄桑且嚇佗。  
大抵委蛇多厚福。不須長短自悲歌。

倚門翫髀知何奈。擊劍崢嶸未是狂。蟲齧桃根誰護惜。  
蛇橫杯影總荒唐。了無臧否嗣宗口。只有悲歡吏部腸。  
攝魄收身就愚懦。少雙寡二莫誇張。

秋氣蕭騷髮一簪。文章無價懶披吟。握珠抱玉標時目。

駭綠紛紅塞藝林八代故無韓愈筆九歌誰見屈原心  
著書自署浮邱子四十篇中照古今

西風何處哭詩騷屈宋遺魂不可招顛倒齊梁餘綺麗  
飄零漢魏斷歌謠俗衰道薄生鉅室邇人遐坐寂寥  
世上不知誰問字子雲亭角草蕭蕭

焚膏繼晷老磨研文采風流興浩然爾雅蟲魚蟻古意  
離騷蘅茝寄幽悵山王未可排新詠絳灌何當惜少年  
且續獲麟吾事在寸心僂俛慰迢迢

悠悠俗物等苓通得失關心陋楚弓季子縱愁金帛盡

次公休遣酒杯空。百年出入鵝籠影。萬事低昂馬耳風。  
一片南華秋水意。夢中蝴蝶太朦朧。  
飄飄曼倩神逾妙。咄咄深源計未工。願以此心待明月。  
不知何處有悲風。五千卷裏丹黃富。三百杯中塊壘空。  
底事乘桴投遠海。與時無競是冥鴻。

李海颿先生在顧兼携詩文命點勘忻然有作

萬人如海獨韜藏。握槩懷鉛歲月長。誰謂青蓮天上客。  
來分丹篆夢中香。乾坤落落雙鳴鳥。今古茫茫九轉腸。  
一洗愁顏發三笑。雲龍作伴好翱翔。

官職聲名處處強。金章犀帶佐時康。零陵教稼千村雨。  
蜀道論兵兩鬢霜。文武長才歸典則。山川奇氣老詞章。  
虬蟠撼樹吾應笑。燭火誰當萬丈光。

聖朝岳牧用詞人。文采風流孰與君。書穴細探蝌蚪字。  
詩壇橫掃鸞鷲章。竊拔屈宋才何妙。不數盧王體自分。  
滿目狂瀾須急挽。浮花浪蕊太繽紛。

忠驅義感涕痕紅。骨相嶙峋傲命窮。吾道已非徒畫虎。  
才名無恙且雕蟲。百年起廢河東淚。萬卷披險硯北風。  
忽漫逢迎老詞伯。可知儒雅未飄蓬。

北窗婀娜散寒光。一捧新詩一頽頽。初日芙蓉施錦障。  
橫流滄海走風樯。此才自合闕干載。有酒端須飲百觴。  
世上生涯惟爛醉。華胥夢裏是何鄉。

招徐石林農部蔡鼎臣黃琴塢兩吏部喬健侯水  
部何小笠羅椒生何根雲三太史銀飲浮邱閣  
中賦懷五章並書寄李三泉比部

雀羅門巷夕陽斜。卧擁圖書四十車。眼底孫劉無俗物。  
天涯孔李有通家。傳經弟子心如石。枕麪先生氣似霞。  
三萬六千長醉倒。休論猿鶴與蟲沙。



海秋詩集卷二十四

六

彈指升沈十四秋。漢廷賈誼太淹留。鼠鬚筆秃懷黃閣。  
獬尾冠飄泣白頭。一枕迷離莊叟夢。百杯消遣杞人憂。  
平生每誦東坡句。醉有真鄉我可俟。

鷺黃鸞綠味淋浪。百榼千鍾未是狂。鸚雀不來林間信。  
鯉魚可薦且行觴。瘵愁只有杯中物。送老還須肘後方。  
一笑孔顏行樂處。哀歌斫地陋王郎。

安昌絲竹後堂開。滾滾英奇亦快哉。顏駟官聲關列宿。  
董狐史筆倚蓬萊。致君堯舜須公等。接武風騷或我才。  
塵世滄桑今已悟。只餘詩卷未心灰。

回風舞雪落衣邊。寫意傾心闢此筵。吾道是非忘柄鑿。  
世途利鈍笑夔魃。東方未了三千牘。北斗應論五百年。  
頭白汗青吾事在。且澆塊壘且隨緣。

寄穆鶴舫相國師于時師方攝保陽督篆

斧鉞峩峩下太空。黑幡紫綬滿光風。地尊鎖鑰兼三輔。  
天許麒麟第一功。司馬相公人盡識。猶龍老子道應同。  
提封元氣須裨補。節度威歸衮繡中。

目極三關路萬尋。蜺旌颺處阻窺臨。山橫大茂週遭在。  
水遶滹沱契闊深。賈傅文章今日淚。山公藻鑑古人心。

尺書勗我扶輪手十字崢嶸抵萬金

師書來譽余文以橫空盤硬語安貼

力非

### 寄李石梧提學

東華才子賦卷阿玉檢金泥手校摩去向羊城持使節  
 想騰虎氣倚高歌秋風萬里羅浮夢暮雨千尋滄海波  
 剩欲對傾桑落酒三年無那別離何  
 悲歌斫地淚斜揮抗疏匡衡老自違霹靂琴邊愁半稿  
 邯鄲枕上悔前非心懷我友南車錫目送天涯北雁飛  
 報道平生文雅在千秋丹篆此依歸

贈雪心上人

絳帕蒙頭寺半肩。料將慧劍好磨礪。六時漏轉禪窠靜。  
雙樹風來佛髮青。正欲投名遠公社。敢勞問字子雲亭。  
刻章琢句非君事。端坐蒲團養性靈。

金丹一換一千春。蒼鬢林中老此身。只有詩情向風月。  
了無塵夢墮荆榛。法筵齋鉢刪淨味。土室龕燈結淨因。  
我亦萬緣思縮手。擬從彌勒謝勞薪。

胡介眉農部齋中對菊飲酒三首第二首次黃栗

山農部韻第三首次寶補齋農部韻

陶潛瀟灑出風塵。手理青柯段段新。女几山頭無限草。  
柴桑里畔好爲鄰。九秋風雨黃花約。一醉乾坤青眼人。  
聞道神僊今縹緲。暫逢佳友豁吾真。

笑兀西風喚奈何。天涯好友許經過。肯教白髮催人老。  
故遣黃花插帽多。秋晚重思箋菊譜。酒酣聊效缺壺歌。  
不須說我平生劍。萬丈光芒出太阿。

滿城風雨重陽後。一片心情豪飲中。白酒似狂還似聖。  
黃花非色亦非空。香山居士詩宜淡。甫里先生賦最工。  
省識幽人無限意。萬緣一笑大江東。

和潘四農次張亨甫韻

笑兀尙看樗叟在。飛騰還向薊門來。乾坤白髮三千丈。  
風雨愁腸十二回。晚境只耽陶令句。時評誰信賈生才。  
高歌青眼吾應媿。酌汝蒲萄酒百盃。  
天涯詖蕩三人在。世故侵陵百感來。只信扶桑有東出。  
可憐滄海不西回。風雲偃蹇塵中骨。詞賦漂零天下才。  
一笑浮名成底事。休將苦語佐深盃。

酒樓三次亨甫韻于時亨甫被放將歸

飄零書劍會神州。風雨催人自去留。天遠東南懷故土。

雲浮西北對高樓。可憐駑馬羞神駿。共笑獼猴駕土牛。  
今日刁騷勸樽酒。不逢搖落已驚秋。

豈有才名動九州。與君雪涕說淹留。陶潛醒醉非鷓酒。  
杜甫行藏只倚樓。幾見荆榛埋石馬。欲從巖穴結蝸牛。  
舉杯重引江湖興。張翰尊鱸曾及秋。

都督誰當領八州。天涯躑躅此遮留。百年生計杯中物。  
萬里離情野外樓。惻惻陸通歌紫鳳。飄飄李耳駕青牛。  
酒酣莫話人間世。觸迂黃門鬢易秋。

重飲酒樓次亨甫韻凡三首

青蓮何處訪荆州。杖策南還不可留。魚鳥飛沉無限意。  
壺觴深淺此間樓。才名未必供談虎。時事誰當問喘牛。  
太息靈均騷弟子。荃蕙悲汝汝悲秋。

漫勞冠冕說南州。握手慇懃幾去留。蓬鬢騷騷還對酒。  
楊花浩浩總當樓。天高阿閣難巢鳳。人老詞壇竝執牛。  
贏得詩歌滿行篋。山川與子共千秋。

起廢何須問柳州。杯觥無恙此勾留。雨含碧澗波千點。  
風送黃昏花一樓。休學賈生悲鵬鳥。且從莊叟戒犧牛。  
丹砂自是長生訣。幾見神仙兩鬢秋。



與胡介眉全。心齋易問齋。三農部痛飲酒樓。再次

亨甫韻凡三首

書生事業小。方州苦向郎曹。一劍留簿領無窮。長拍案  
煙花有約。且依樓。溪邊返照。明魚鳥。座上嬌歌。問女牛  
大笑。風光如我意。芰荷柄柄。不知秋。

蹇。驢破帽。住幽州。古意驕胸。慰滯留。五百年間。此詩筆  
兩三。客子會溪樓。枉思侍從。誇枚馬。閑把恩讐笑。李牛  
老矣。虞卿耽著述。不須喚作晉陽秋。

俸錢檢點。媿蘇州。雨雨風風。薄宦留白眼。看人長岸。幘

身。世。周。旋。袁。紹。杯。與。子。空。餘。懷。古。淚。只。今。誰。是。濟。時。才。  
太。倉。分。俸。吾。無。補。何。處。江。湖。有。釣。臺。

懷。抱。如。今。獨。好。開。吟。風。弄。月。鎮。悲。哉。塵。中。莫。奮。螻。蝦。臂。  
座。上。長。傾。鸚。鵡。杯。浮。蟻。味。佳。如。我。意。雕。蟲。技。小。亦。天。才。  
眼。看。書。劔。知。誰。健。突。兀。同。登。百。尺。臺。

骯。髒。郎。曹。拔。劔。開。淹。留。何。計。賦。歸。哉。一。官。今。昔。無。窮。事。  
百。歲。悲。歡。有。限。杯。招。隱。每。思。彭。澤。令。草。元。誰。問。子。雲。才。  
放。歌。白。日。勞。還。往。盡。卷。風。雲。入。嘯。臺。

沅。湘。騷。怨。爲。誰。開。屈。宋。風。流。今。在。哉。狂。語。詩。名。五。百。載。

正須酒力十千杯。子方浩蕩青雲氣。我已飄緘白雪才。  
一笑腐儒今更腐。黃金誰復問燕臺。

黃惺溪前輩人都敘事抒懷六首

江上蓴鱸今有無。身將隱矣又馳驅。煙波萬里拋鷗舫。  
塊壘中年對虎符。阮籍路歧元是命。山濤札短不關渠。  
只應痛飲蒲萄酒。三百杯中了腐儒。

天涯地角每相望。萬里愁思一線長。鴻雁有情傳我語。  
麒麟無分斷君腸。十年聚散渾如夢。兩鬢悲歡半是霜。

寥落晨星今可數。江湖誰訪賀知章。

時賞柘農  
棲息長沙

念子支離事偶然。汾河嗚咽爲誰憐。黃巾蠢動四三輩。

紫綬漂零半百年。惺溪在河東觀察任內失察趙吾道。

豈應終病顙才名。何以畫凌烟。卻羞得失鷄蟲事。不擬

靈均一問天

我懷直道莽崢嶸。突兀人間浪得名。諫草故應慙汲黯。

詞頭誰復戀張衡。長沙才子多騷怨。同學少年太世情。

願把南華秋水意。與君瀟灑御風行。

擊劍高歌涕淚橫。濟時心事兩淒清。俸錢每爲鴻磬媿。

碁局休從蝸角爭。未答涓埃遲杜甫。只耽著述老虞卿。

篋中不少驚人句。詩滿乾坤是正聲。

握手淋漓酒十觴。剪燈深夜說行藏。人間詠詠蛾眉苦。  
江上逍遙蝦菜香。每讀九歌悲杜若。願借三友兼謂理  
栢農耕桑。桃源不是荒唐事。重問漁津樂未央。

寄周敬修漕帥

富國誰當借箸籌。手持虎節兩春秋。歲行水陸三千里。  
粟挽東南百萬舟。時事艱難元鬢影。才名齟齬古人憂。  
知君用意轉閑暇。不用勞勞製木牛。

寄唐鏡海方伯

側望金陵一浩歌。輕裘緩帶子婆娑。濂關道脈元知處。  
管葛才名復若何。雙鬢只緣經濟老。寸心長比物華多。  
願聞攬轡澄清志。手障長江萬里波。

答葉松厓孝廉

三年夜夢兼宵夢。一紙杭州達薊州。滄海潮聲爲汝大。  
太行山色替人愁。養痾莫謾投參朮。倚劍何須問斗牛。  
報道孔顏多樂事。肯隨屈宋賦悲秋。

寄陳蓮史方伯

君是中朝第一人。藹然風格畫麒麟。正標杞梓千尋望。

豈作江湖萬里身時蓮史方就閒居書信可憐鴻雁斷才名誰

似鳳皇馴天涯寄語行藏事我有桃源擬問津

九日登高偕蔡小漁劉詩橋暨兒子俶昭

高高亭子倚蒼茫醉把茱萸奈斷腸九月天風吹木葉

百年人事餞秋光我陪游夏鷄羣外誰數金張蟬冕行

彈指阿雛今長大客中一十六重陽

酬潘吳門相國家蕭山協揆奕凝峯尚書吳退旃

尚書文孔修侍郎龔季思侍郎裕芸臺侍郎聯

正齋侍郎陳偉堂侍郎先後保送內閣侍讀學

士均不果得爰紀以詩

邯鄲一夢一支離。鼓翼雲霄只自疑。  
鵷鷺班中藏蟻垤。鳳凰池上斷鷓枝。  
疎慵濫入山公札。潦倒空存杜甫詩。  
吏前南金吾豈敢未妨郎署老棲遲。

酬穆長白師惠書兩架

冠佩周旋今几杖。丰神容與古墳邱。  
西河衣鉢文中子。東閣圖書李鄴侯。  
我向五車分兩架。公從萬卷課千秋。  
丹鉛點勘不知老。脉望乾枯那可求。

寄周敬修制府



楚天南望鬱蒸蒸。旆旆行春蓋影重。正氣已吞雲夢澤。  
高情不厭祝融峯。我爲正則塞衡在。君以夷吾勒鼎鐘。  
報與粉榆諸父老。歲時歌舞未宜慵。